



20 d'abrial de 2013

LO GRAND PASSACARRIÈIRA DE RODÉS

*amb lo sosten de la
coordinacion per la lenga occitana
(Tolosa 2012)*

La coordinacion Avairon departament occitan ramosa dempuèi 1999 los actors de la lenga e de la cultura occitana d'Avairon¹. Organiza **dissabte 20 d'abrial a Rodés**, amb lo sosten de la coordinacion per la lenga occitana (Tolosa 2012), un **grand passacarrièira** que serà nòstra primièira *Occitan pride*, nòstra marcha de fiertat. La fiertat a pas res a veire amb l'orgulh o la vanitat. Es solament la condicion d'una vida fruchosa. Es encara çò que manca als Occitans, e tanben, de còps... a nautres, occitanistas.


Dempuèi qualques setmanas, menam dins cada canton d'Avairon de reunions amb lo mond del país : païsans, artesans, responsables associatius... per lor parlar del projècte. E sèm suspreses de la qualitat de l'acuèlh que nos fan, e de lor receptivitat. Sentissèm montar lo sentiment d'appartenéncia a una cultura e la volontat de la far viure.

Aquel trabalh de fons que fasèm per laurar e semenar lo camp roergàs (a la fin del mes de març aurem animadas 25 reunions localas), nos sembla que portarà frucha, per l'ensem del movement d'òc. De las montanhas d'Aubrac als causses de Milhau, de las ribièiras de Marcihac als segalars, seràn de centenats e de centenats a se recampar a Rodés per mostrar publicament la vida e l'enveja de viure de lor cultura. Vendràn coma son, amb çò que son.

SAMEDI 20 AVRIL 2013

RODEZ

LO GRAND PASSACARRIÈIRA 14H



Samedi 20 avril 2013

RODEZ

Lo grand passacarrièira 14h

A Tolosa l'an passat, coma a Carcassona o a Besièrs, sèm davalats los Avaironeses. De se veire totes, nos balhèt de vam per continuar lo trabalh en çò nòstre, dins nòstras associacions, dins las escolas, pertot. A Rodés, lo 20 d'abrial, vos convidam a venir vos atanben, nombroses, per nos far prodèl (nos ajudar).

Recebèm de messatges de solidaritat que nos fan plaser : de grops qu'organizan de cars, de Garona nauta, d'Erault, de Cantal, de musicaires que vendràn amb los escolans. Mercés a totes ! Ausissèm tanben de questions : que vòlon ? Quin es lo mot d'òrdre ? Los nòstres objectius son mai que clars :

- mostrar la vida e l'enveja de viure de la lenga e de la cultura d'òc.
- dire naut, fort e publicament, que son avenir es la responsabilitat de l'ensem de la societat, l'Estat e las institucions, segur, mas tanben las collectivitats, las grandas coma las pichonas, las cambras consolaras, las empresas, las associacions esportivas, las familhas, la premsa, los sindicats... totas e totes.

Avèm causit amassa, a la coordinacion d'Avairon, de donar pas lo nom de manifestacion a n'aquela jornada per que dins lo mot manifestacion, lo mond li meton lo sens de confrontacion. Ne serà una çaquelà, mas una confrontacion del pòble occitan amb el meteis. Es pus dificil, mas nos cal pas defugir lo prètzfach !

Vos esperam nombroses !

Marie-Line Darres-Gaffier (06 73 09 37 54), Patricia Pallier (06 50 76 55 09)
Marlène Bony (06 20 98 13 26), Christine Montbroussous (06 66 35 90 03)
per la **Coordinacion occitana d'Avairon**, Ostal del patrimòni, plaça Foch – 12000 Rodez
avairondepartamentocitan@gmail.com - www.passacarriera.en-aveyron.com

¹ Es ela qu'organizèt las Assisas "L'Occitan un avenir per Avairon"

PLUS UN PAYS PORTE COLLECTIVEMENT
LO SA GRAND
CULTURE,
PLUS IL EST EN COHÉSION SOCIALE,
PASSACARRIÈIRA
PLUS IL EST EN DYNAMIQUE, PLUS IL EST ATTRACTIF
DE PLUS RODÉS
IL CRÉE,
PLUS IL INVENTE, PLUS IL ACCUEILLE !

SAMEDI 20 AVRIL 2013 - 14 H
FIÈR DE SA CULTURA AVAIRON DEFEND SA LENGA
AVAIRON DEPARTEMENT OCCITAN - OSTAL DEL PATRIMÒNI - PLACE FOCH 12000 RODEZ